






MISIGISSUTSIKKA

OQALUUSERITIGIT







MISIGISSUTSIKKA OQALUUSERITIGIT

- SAQQUUMMERSITSISOO Meeqqat Pisinaatitaaffinik Sullissivik MIO
 ALLAASERINNITTOO Camilla Nymand Petersen, tarnip pissusaanik ilisimasalik
 AAQOISSUISOO Amalia Lyngø Pedersen, tarnip pissusaanik ilisimasalik
 Ellen Bang Bourup, meeqqanut siunnersorti
 TITARTAASOO Christian Rex
 ASSILIISUT Lasse Nymand Petersen, Kathrine Schmidt
 ILUSILERSUISOO Nuisi Grafik
 NAQITAO Siulleq, 2019. ISBN 978-87-999111-2-7

ASASAGUT ILAQUTARIIT

Meeqqat tamarmik pisinnaatitaaffeqarput. Tamanna Meeqqat pillugit lsumaqatigiissummi allassimavoq. Meeqqat pillugit lsumaqatigiisut tassaavoq Kalaallit Nunaata nunarpassuillu allat meeqqat tamarmik pitsaasumik inuuneqarnissaat qulakkeerumallugu isumaqatigiisutigisimasaat.

Meeqqat pillugit lsumaqatigiissummi allassimavoq, meeqqat tamarmik isummaminnik ersersitsinissaminnut pisinnaatitaaffeqartut inersimasullu meeqqat taama periarfissinneqarnissaannik qulakkeerinntuussasut.

Inersimasut aamma isumaginnittusaapput meeqqat ajunngitsunik atugaqarnissaannut aamma ineriartornissaannut; taamaammat tamatigut pitsaasuvoq meeqqat qanoq innerinik oqaloqatigisarnissaat, sunik misigisaqartarnersut aamma qanoq misiginerinik.

Meeqqat tamarmik misigissuseqarnissaminnik aamma misigissutisminnik nipituumik oqaatiginnissaminnut imaluunniit allanut qanoq innerlutik takutitsinissaminnut pisinnaatitaaffeqarput.

Meeqqat ilaat misigisaqartarput aamma misigissuseqartarput oqaluuserissallugit ajornarsinnaasunik. Meeqqat allat misigissutsitik qanoq innersut eqqortumik oqaluttuarissallugit sapersaatigisarpaat; imaassinnaasoq qanoq misiginerlutik nalugaat, annilaangasut imaluunniit apersorneqarneq tusarnaarneqarnerlu sungiusimanngikkaat.

Misigissutsit sorusunnitsinnik aamma suut pisariaqartinnerigut paasiarnissaannut ikiorsinnaavaatigut. Misigissutsit aamma piffissanik ajornartorsiorfiusunik qaangiiniarnitsinni ikiorsinnaavaatigut ineriartortillutalu.

Asannittumik inuullaqqusillunga

Aviäja Egede Lynge
Meeqqat Illersuisuat





MISIGISSUTSIT NALINGINNAASUUPPUT

Misigissutsit tassaapput
assigiinngitsunik – pitsaasunik
aamma ajortunik misigisaqaraangatta
malugisinnaasagut.

Misigissutsit tassaapput qanoq
innitsinnik ersersitsisut; ajunngitsunik
atugaqaraangatta aamma
atugarlioraangatta.

Misigissutsit nalinginnaasuupput,
inunnguuseraagullu.

Misigissutsit tassaasinnaapput,
NUANNAARAANGATTA,
NUANNAANNGIKKAANGATTA,
ILUAALLIORAANGATTA,
PISSANGAGAANGATTA,
ANNILAANGAGAANGATTA,
ERNUMAGAANGATTA,
AJUUTIGINNIKAANGATTA
aamma allarpassuusinnaapput.

QILANAARSINNAAVUGUT
imaluunniit
NIKALLUNGASINNAAVUGUT;
NUKISSAQARLUARSINNA-
VUGUT imaluunniit
QASOQQASUTUT misigisimalluta.



Inuit tamarmik
– meeqqat aamma
inersimasut –
misigissuseqarput.



Aamma **NAAMMAGISIMAA-
RINNISSINNAVUGUT,**
SINNGALLUTA,
ANNILAANGALLUTA,
NUANNAARLUTA
allarpassuarnillu misigisimalluta.




Misigissutsit aamma assigiinngitsor-
passuarnik malugisaqartissinnaa-
vaatigut aamma eqqarsartilerluta.

Misigissutsit ilai oqaluuserissallugit
SAPERNANNGILLAT;
allat oqaluuserissallugit
SAPERNARTARPUT.

Assigiinngitsorpassuarnik misigis-
suseqartarneq nalinginnaasuvoq;
ilai **NUANNERSUUPPUT,**
kisianni aamma taama
NUANNERTIGINNGITSUNIK
misigissuseqarsinnaavugut.



Misigissutsit
qanoq ittut
nalunngiligut?



MISIGISSUTSIT TIMIMI MALUGINEQARSINNAAPPUT



Assut **PISSANGAGAANGATTA**,
misigisimasinnaavugut,
”**NAAKKUT**
QUINAAMMERLUTA”.

Tamanna ima misigisimanartarpoq,
soorlu **NAATSINNI**
PUAASAQARLUTA imaluunniit
AQJANGUUMMERLUTA.

Imaassinnaavoq inuuissiorinissatsin-
nut imaluunniit allamut pisussamut
QILANAARATTA, kisianni
aamma imaassinnaavoq pisussat
arlaat pillugu **ERNUMAGATTA**.

Imaassinnaavortaaq,
ISUMALUTTUGUT,
KAMATTUGUT imaluunniit
ERSISUGUT, taamaalillutalu
TIMERPUT TAMARMI
SUKAQQASOQ imaluunniit
NIAQORLULERLUTA misigilerluta.

Misigissutsit aamma
tassanngaannaq pinngorsinnaapput.
AAPPILLERSINNAAVUGUT
imaluunniit
TIMERPUT TAMARMI
KISSATSISSINNAAVOQ

sunaluunniit eqqarsaatigigaangatsigu
imaluunniit inummik imaluunniit
arlaannik uatsinnik aalajangersi-
masumik misigissuseqalersitsisumik
takugaangatta.



Imaassinnaasoq, assagut
SAJULERSUT,
TOQQISSISIMANATA
 imaluunniit **NALORNILLUTA**
 misigileratta, kisianni aamma
 imaassinnaavoq **UUMMATIGUT**
SUKKASUUMIK TILLERTUT
AJUUTIGINNIKKATTA
 imaluunniit
ITTOORLUTA imaluunniit
PILLUARLUTA misigisimagatta.

Misigissutsit inunni tamani assigiin-
 ngitsuupput aamma inuit tamarmik
 assigiinngitsumik misigisarpaat.

Ullumi
 misigissutsit
 qanoq ittut
 malugaagit?



EQQARSAATIT MISIGISSUSEQALERSITSISINNAAPPUT

Misigissuseqarluta malugileraangat-sigu, imaassinnaavoq arlaat misigi-simasarput, inuk imaluunniit arlaat pisimasoq pisimanngitsorluunniit eqqarsaatigigipput.

Eqqarsaatigisinnaavarput qaqugukkut **NUANNAARNERPAASARLUTA.**

Imaassinnaasoq aataakut aanaak-kut, uumasuuterput imaluunniit kammaginerpaasarput ilagigaa-ngatsigu. Aamma eqqarsaa-tigisinnaavarput, qaqugukkut **ERSISARNERLUTA** imaluunniit **ANNILAARTARNERLUTA.**

Imaassinnaasoq oqaluttuanik ersinartunik tusarnaaraangatta imaluunniit taarsimappat.

Arlaat aserortoorsimasarput imaluunniit arlaat misigisimasarput imaluunniit nuanninngitsumik pine-qarsimanerput eqqarsaatigigutsigu **KANNGUSUNNEQ** imaluunniit **IMMINUT PISUUTINNEQ** misigisinnaavagut.

Ilaanni eqqarsartarpugut arlaat **PIKKORIFFIGERUJUSSU-ARLUGU**; ilaannili arlaannut **PIKKORIPPALLAARNATA** eqqarsartarluta.



Ilaanni aamma eqqarsaatigisarpar-
put, inuit allat oqaaserisatsinnut
aamma iliuuserisatsinnut qanoq
eqqarsartarnersut.

Imaassinnaasoq misigisimalersugut
TORRAALLUTA,
NUANNAARLUTA imaluunniit
TULLUUSIMAARLUTA;
kisianni aamma **NALORNILER-**
SISSINNAVAATIGUT,
ERNUMATILERLUTA imaluunniit
NIKALLUNGALERSILLUTA.

Amerlanertigut inersimasunik
meeqqanillu allanik misigissutsit
pillugit oqaloqateqartarneq
iluartarpog, misigussutsit
NUANNERSUUGALUARPATA
imaluunniit
NUANNIIKKALUARPATA.



Ullumi
misigissutsit
qanoq ittut
eqqarsaatigaagit?



MISIGISSUTSIT TAKUNEQARSINNAAPPUT AAMMA TUSAANEQARSINNAAPPUT

Inuit qanoq innerluta aamma qanoq
misigisimanerluta erseqqissumik
takusinnaavarput imaluunniit
tusaasinnaavarput.

Imaassinnaasoq
QUNGUJULASO-
RUJUSSUUSUGUT,
ILLALAARTUGUT imaluunniit
NIPITUUMIK ILLARTUGUT.

Aamma imaassinnaasoq
NUKISSAQARLUARTUGUT
PISSISSAARLUTALU imaluunniit
QITITTUGUT.

Imaassinnaasoq ilaanni
NIPAQANNGITSUGUT
NIKALLUNGASUGULLU.

Imaassinnaasoq
QIANERPUT imaluunniit
ANERSAARULUNNERPUT
tusaaneqarsinnaasoq.

Inuit ilaat kamaleraangamik
NATERMUT NIPITUUMIK
TUKKARTARPUT imaluunniit
NIPITOORUJUSSUARMIK
OQALULLUTIK.





Allat **ISUSSUTTARPUT** aamma
PEQULIASARPUT,
ITTOORUNIK imaluunniit
ERNUMAGUNIK.

Allat **VERUJUSSUARTARPUT**
QANIILU AMMAANNALER-
LUTIK aamma **QUIANARTUNIK**
NIPILIORLUTIK soorlu imannak
"wooooo" imaluunniit "ooooj",
TUPAALLATSINNEQARUNIK
imaluunniit **TUPIGUSUKKUNIK**.

Inuit allat isiginnaarutsigit
aamma tusarnaarutsigit, sunik
misigissuseqarnersut amerlanerti-
gut paasisinnaasarpagut – kisianni
tamatiguunngitsoq. Taamaammat
ajunngilaq aamma nalinginnaasuuvog
inuit allat qanoq innerinik
aperissalugit.

Ullumi misigissutsit
suut takuigit
tusaallugillu?



MISIGISSUTSIT QANOQ OQAASERTALISSANERLUGIT NALUNARSINNAAPPUT

Ilaanni misigissuseqartarpugut qanoq
nassuiassanerlugu nalunartunik.

NALORNISSUTIGI-
SINNAAVARPUT
QASUNERLUTA imaluunniit
ISUMALUNNERLUTA.

ERNUMASINNAAVUGUT
QILANAARATTA imaluunniit
ANNILAANGAGATTA.



Aamma imaassinnaasoq
UUMISUSSINNAASUGUT,
nalulluguli sooq taamaanerluta.

Ilaanni misigissutsit
PAATSUUNGANARTARPUT
taava misiginartarpog, soorlu
tassa nunarsuarmi kisitta
taama misigisimasugut.

Misigissutsit nassuiarnissai
SAPERNARSINNAASARPUT,
qanorlu ittuunersut misissornissai
allat peqatigalugit oqaluuserinissaat
iluaqutaasinnaalluni.

Immitsinnut ikiorsinnaavugut immit-
sinnut tusarnaarluta aamma misigis-
sutsigut pillugit oqaasertaliinitsigut.
Kisianni aamma ajunngilluinnarpoq
qanoq misigisimanerluta nalornissuti-
gigaluarutsigu.

Misigissuseqarnikuuit
nassuiassallugit imaluunniit
oqaasertalissallugit nalunartunik?


Misigissutsitit
pillugit kina
oqaloqatigisin-
naaviuk?



MISIGISSUTSIT ASSIGIINNGITSUT AMERLASOORUJUSSUUPPUT

MISIGISSUTSIT QANOQ ITTUT NALUNNGILIGIT?





MISIGISSUTSIT PILLUGIT ATUAGAARAQ

Una atuagaaraq ukiut ingerlanerini meeqqanik inuusuttunillu suliaqarnera tunngavigalugu pilersinneqarpoq.

Meeqqat assigiinngitsorujussuupput tamanna soorunami nuannersumik inuunermut kajumissuseqalersit-sisarpoq. Meeqqat ilaasa qanoq misigisimanerlutik oqaluttuarinissaa pikkoriffigisartorujussuuaat – oqaat-simikkut aamma iliuutsimikkut.

Meeqqat allat qanoq innertik oqaluttuarinissaat imaluunniit qanoq innertik takutinnissaat sapersaatigisarpaat, imaluunniit qanoq misigeqqissaarnerlutik oqaasinn-gortinnissaa sapersaatigisarpaat, nassuiarusukkaluarlugu.

Una atuagaaraq meeqqanut ilaqutariinnullu naatsorsuussaavoq misigissutsillu pillugit oqaluuserinnin-nissamut isumassarsiorfiusinnaalluni.



Camilla

